



CONCELLO DE SANTIAGO

Departamento de
Educación e Cidadanía

APERTURA DE PRAZOS DE RESERVA DE PRAZA, SOLICITUDES DE ADMISIÓN E MATRÍCULA NA ESCOLA MUNICIPAL DE MÚSICA PARA O CURSO ESCOLAR 2016-2017

As ensinanzas que se imparten na EMM de Santiago de Compostela son as seguintes:

1. Escola infantil de música 3-7 anos:

Escola infantil de música: 3 anos (3º de Educación Infantil)
Música e Movemento I: 4 anos (4º de Educación Infantil)
Música e Movemento II: 5 anos (5º de Educación Infantil)
Iniciación á linguaxe musical I: 6 anos (1º de Educación Primaria)
Iniciación á linguaxe musical II: 7 anos (2º de Educación Primaria)

2. Plan de Estudos Xeral (PEX)

Destinado aos alumnos/as de idades comprendidas entre os 8 (3º de Educación Primaria) e os 15 anos (4º da ESO).

2.1.- Práctica instrumental

2.2.- Danza.

Divídese en dous niveis:

Nivel I (Elemental) e Nivel II (Avanzado).

3. Plan de estudos para adultos (PEPA)

3.1.- Práctica instrumental

3.2.- Danza.

Destinado aos alumnos/as maiores de 16 anos. Divídese en 2 niveis:

Nivel I (Elemental) e Nivel II (Avanzado).

4. Plan de Acceso ao Conservatorio (PACO)


Orientado aos alumnos/as que teñan interese e aptitudes para acceder a estudos profesionais. Será necesario ter cursado un mínimo de catro cursos no PEX na Escola Municipal de Música para acceder a dito Plan.

As especialidades que se ofrecen dentro do PEX e do PEPA:

A) instrumentais: Violín, Viola, Violonchelo, Contrabaixo, Guitarra, Guitarra eléctrica, Baixo eléctrico, Frauta, Clarinete, Gaita, Percusión, Piano, Saxofón, Trompeta, Acordeón, Trombón, Bombardino e Trompa.

B) Práctica de Danza: Danza clásica e contemporánea.

C) Formación complementaria: Linguaxe musical, Educación Auditiva, Historia da Música, Organoloxía, Historia da Música Tradicional, audicións comentadas, harmonía e análise e arranxos.



CONCELLO DE SANTIAGO

Departamento de
Educación e Cidadanía

D) Actividades de conxunto: Conxunto Tradicional, Combo, Orquestra, Banda, Coro de Nenos/as, Coro de Adultos, Orquestra de iniciación e Banda de iniciación.

prazos xerais:

Alumnado actual do centro	
Alumnado Iniciación Musical II (2º de Educación Primaria):	
Publicación prazos extraordinarias de instrumento	14 de marzo de 2016
Preinscripción alumnado Iniciación Musical II	do 14 ao 18 de marzo de 2016
Sorteo público interno	30 de marzo de 2016
Alumnado de Música e Movemento, PEX e PEPA:	
Renovación de praza	do 7 de ao 15 de abril de 2016
Exposición pública prazas vacantes 1ª convocatoria	29 de abril de 2016



**CONCELLO DE
SANTIAGO**

Departamento de
Educación e Cidadanía

Solicitudes de novo alumnado (1ª convocatoria)	
Período de pre-inscrición	do 2 ao 20 de maio de 2016
No caso de haber máis solicitudes que prazas realizarase un sorteo público	26 de maio de 2016
Exposición pública listas provisionais de admitidos 1ª convocatoria	A partir do 27 de maio de 2016
Período de reclamacións	10 días naturais dende a publicación de admitidos provisionais
Exposición pública da relación definitiva de admitidos	A partir do 9 de xuño de 2016
Matrícula para os admitidos	do 10 ao 22 de xuño de 2016
Exposición pública de prazas vacantes para a 2ª convocatoria (se é o caso)	30 de xuño de 2016
Solicitudes de novo alumnado (2ª convocatoria). Se hai prazas vacantes, cubriranse por rigurosa orde de inscrición	
Matrícula directa	do 1 ao 31 de xullo de 2016
Solicitudes de novo alumnado (3ª convocatoria). Se hai prazas vacantes, cubriranse por rigurosa orde de inscrición	
Matrícula directa	do 1 de setembro ata o inicio do curso escolar no PEX e PEPA (data pendente de aprobación pola Consellería de Educación) No caso de Música e Movemento ata a finalización do 1º trimestre escolar, de acordo co calendario escolar.

A) Proceso de renovación de praza e matrícula no curso escolar 2016/17 para o alumnado matriculado actualmente:

1. Alumnado que finaliza Música e Movemento e ten que elixir instrumento (Plan de educación xeral PEX):

- a) As profesoras de Iniciación Musical II (alumnado de 2º de Educación Primaria) axudarán ás familias a resolver dúbidas para o procedemento de elección de instrumento, de acordo coas especialidades que se ofrecen e as prazas dispoñibles.
- b) O 14 de marzo a EMM publicará no taboleiro de anuncios da Escola o número de prazas dispoñibles de instrumento para este alumnado e as familias deberán solicitar o



CONCELLO DE SANTIAGO

Departamento de
Educación e Cidadanía

correspondente impreso de preinscrición na secretaría da EMM, onde sinalarán por orde de preferencia o seu interese ata en 3 especialidades distintas.

Esta modalidade educativa de PEX inclúe: Instrumento, Linguaxe Musical e Agrupación. Realizada esta petición de preinscrición poden darse as seguintes casuísticas:

b.1) Se se obtén a praza solicitada, o alumno/a incorpórase ás listas xerais de renovación por especialidade.

b.2) Se hai máis solicitantes que prazas dispoñibles, o 30 de marzo realizarase un sorteo público interno, nas dependencias da EMM, (no que os solicitantes de praza participarán coa 1ª opción). De resultas deste proceso poden darse os seguintes supostos:

b.2.1) Se se obtén por sorteo a praza solicitada, o alumno/a incorpórase ás listas xerais de renovación da EMM.

b.2.2) De non obter praza, o alumno/a ten a opción de matricularse nas dúas materias xa mencionadas (Linguaxe Musical e Agrupación) á espera dunha vacante no instrumento elixido, ou poderán volver solicitar praza no período de preinscrición para o novo alumnado. No caso de existir posibilidade de praza na 2ª ou 3ª opción demandada, determinarase a orde de elección segundo o resultado obtido no sorteo.

Os procesos de renovación de praza e fixación de horarios para o vindeiro curso escolar 2016/17 realizaranse do 7 ao 15 de abril.

2. Renovación de praza do alumnado de Música e Movemento (de 3 a 6 anos):

Na semana do 7 ao 15 de abril, o profesorado de Música e Movemento informará ás familias do proceso de renovación de praza. Cada profesor/a entregará ao seu alumnado o formulario de renovación de praza onde figurarán os datos do alumno/a, así como o horario asignado pola propia EMM para o vindeiro curso escolar. As familias deben revisar e confirmar que estes datos son correctos e entregar dito impreso asinado na secretaría da EMM (data límite: 15 de abril).

3. Renovación de praza do alumnado do Plan Educativo Xeral (PEX) e alumnado do Plan Educativo para Adultos (PEPA):

A EMM realizará o día 30 de marzo un sorteo público interno nas dependencias da EMM para determinar a letra que designe a orde alfabética (inicial do primeiro apelido) a seguir na renovación de matrícula e na elección horaria para o instrumento a elixir para o vindeiro curso escolar 2016/17.

Dito procedemento unicamente fai referencia á elección de horario de clase individual de instrumento. Os horarios, tanto da parte teórica como de agrupación, serán asignados pola EMM, por motivos pedagóxicos e de organización da mesma.

No taboleiro de anuncios da Escola expoñerase a acta de dito sorteo e as listas coa data e hora para elixir horario.

Neste acto cumprimentarase e asinarase o correspondente impreso de matrícula, así como a actualización da ficha médica e a autorización de dereitos de imaxe de cada alumno/a.

Permitirase a modificación horaria no caso de incompatibilidade coa xornada escolar (nos apartados 2 e 3). Para outras casuísticas, pódese solicitar o cambio de horario por escrito e agardar a confirmación da EMM. Atenderanse as peticións, de ser posible, de acordo coa seguinte prioridade:



CONCELLO DE SANTIAGO

Departamento de
Educación e Cidadanía

- 1) compatibilizar horarios de irmáns matriculados no centro.
- 2) agrupar as materias do propio alumno/a en dous de 2 días.
- 3) no suposto de ter varios casos coas mesmas características, a letra que saia como resultado do sorteo do día 30 de marzo determina a orde na que se terán en conta as peticións.

4. Outra información de interese xeral:

- Non se poderá renovar praza na EMM nos seguintes casos:
 - Alumnado que finaliza o ciclo de 8 anos do seu plan educativo da EMM.
 - Alumnado ao que se lle remitira, ao longo do presente curso, tres informes referidos á falta de asistencia reiterada a clase.
 - Alumnado que repita unha mesma materia máis de dúas veces.
 - Alumnado que teña pendente algunha mensuralidade e non teña regularizada a súa situación antes do inicio do proceso de renovación de praza.
- Os horarios elixidos actualízanse anualmente, tendo en conta o incremento do alumnado en cada curso escolar e a complexidade das casuísticas que concorren no alumnado do centro.
- Para a formalización da matrícula debe acudir o alumno/a (cando supere a maioría de idade), ou o pai, nai, titor/a do mesmo, no seu caso. De non resultarlle factible, pode delegar noutra persoa presentando a correspondente autorización asinada e acompañada de fotocopia do DNI.
- As taxas correspondentes á matrícula anual cobranse no mes de xullo de cada ano.

B) Proceso de preinscrición e matrícula de novo alumnado para o curso escolar 2016/17:

1. Os prazos oficiais de preinscrición e matrícula, aprobados pola Xunta de Goberno Local publicaranse no taboleiro da EMM e na páxina web do Concello de Santiago (www.santiagodecompostela.org), segundo o seguinte procedemento:

A) A exposición de prazas vacantes (1ª convocatoria) publicarase o 29 de abril de 2016. Unha vez que o alumnado da EMM renove a súa praza para o curso escolar 2016/17, o centro publicará no seu taboleiro de anuncios o número de prazas vacantes en cada especialidade instrumental e o plan formativo ao que corresponde (Escola de Música Infantil, Plan Educativo Xeral, Plan Educativo para Adultos, Seminario de Música Tradicional e Danza).

B) Período de preinscrición (do 2 ao 20 de maio de 2016): As persoas interesadas en matricularse deberán cumprimentar o impreso de preinscrición, que poden descargar da web do Concello, pedila na propia EMM ou directamente no Rexistro Xeral ou Auxiliar do Concello, para unha vez cuberta entregala no Rexistro Xeral ou Auxiliar do Concello nos prazos indicados. Neste momento do proceso NON é necesario achegar ningunha outra documentación. É requisito imprescindible que a persoa solicitante figure empadroada no Concello de Santiago cunha antigüedad mínima de seis meses no momento da preinscrición.

No caso de presentar a solicitude de preinscrición a través doutros rexistros ou por correo, deben informar e achegar copia ao enderezo electrónico: info@esmucompostela.es.



CONCELLO DE SANTIAGO

Departamento de
Educación e Cidadanía

As prazas adxudicaranse pola seguinte orde:

1º Fillos/as do persoal do centro, segundo o indicado no artigo 78 do V Convenio Colectivo de Empresas de Ensinanza Privada sostidas total ou parcialmente con fondos públicos, que di:

Preferencia de praza en postos escolares.- A preferencia de praza en posto escolar considérase respecto á empresa do traballador, sempre que este teña unha dedicación polo menos igual á metade da xornada laboral anual, para calquera nivel educativo dos alí impartidos e se así o permiten as características propias da empresa.

2º Empadroados/as no Concello de Santiago con irmáns matriculados actualmente na EMM:

- Se se dispón de prazas suficientes, realizarase a matrícula directa nos prazos aprobados pola Xunta de Goberno Local.
- De existir máis solicitudes que prazas, realizarase un sorteo público no Concello de Santiago o 26 de maio de 2016.

3º Empadroados/as no Concello de Santiago:

- Se se dispón de prazas suficientes na modalidade solicitada, realizarase a matrícula directa nos prazos aprobados pola XGL.
- De existir máis solicitudes que prazas, realizarase un sorteo público no Concello de Santiago o 26 de maio de 2016.

Resultado do sorteo e listas de agarda (No caso de ter que realizarse o sorteo público):

- Se se obtén a praza solicitada, a persoa seleccionada debe formalizar a matrícula nos prazos aprobados pola Xunta de Goberno Local.
- Se non se obtén a praza solicitada, pasará a formar parte dunha lista de agarda onde se establecerá a posición en función do número de entrada asignado no Rexistro Xeral.
- No caso de non haber prazas vacantes, pode solicitar praza e incorporarse a unha lista de agarda, que terá validez ata o mes de decembro do 2016.

C) Exposición pública das listas provisionais de admitidos en 1ª convocatoria o 27 de maio de 2016.

D) Período de reclamacións: 10 días naturais dende a publicación da lista provisional de admitidos.

E) Exposición pública da relación definitiva de admitidos: 9 de xuño de 2016

F) Período de matrícula (do 10 ao 22 de xuño de 2016):

A matrícula formalizarase na Secretaría da EMM nos prazos indicados. De non formalizarse a matrícula no período correspondente decaerá o dereito á praza obtida (aínda constandingo o alumno/a na relación definitiva de admitidos) e terase por desistido da solicitude, arquivándose o expediente e non figurando nas listas de agarda.

G) Exposición pública de prazas vacantes para a 2ª convocatoria (se é o caso): 30 de xuño de 2016.

H) Solicitudes de novo alumnado (2ª convocatoria). Se hai prazas vacantes cubriranse por rigorosa orde de inscrición do 1 ao 31 de xullo e do 1 de setembro ao inicio do curso escolar (data pendente de aprobación pola Consellería de Educación).



CONCELLO DE SANTIAGO

Departamento de
Educación e Cidadanía

Documentación que deben achegar xunto coa solicitude de matrícula:

- Aquela documentación que indique a Ordenanza de prezos públicos de Santiago como necesaria para beneficiarse das bonificacións ou exencións que se establezan.
- Anexos 1 e 2 (dispoñibles na EMM, na web do Concello ou no Departamento Municipal de Educación)
- Fotocopia do DNI ou folla do libro de familia onde figura o alumno/a.
- Fotocopia da tarxeta sanitaria do alumno/a.
- Xustificante bancario de ter satisfeito as taxas de matrícula na conta bancaria habilitada a tal efecto (se non se está exento do pago): ABANCA ES77 2080 5027 25 3040013618

A EMM rexistrará todas as matrículas con indicación da data de entrada, e o nome do solicitante. Entregarase unha copia á persoa solicitante.

A dirección da escola, mediante escrito, enviará ao Departamento de Educación, unha vez rematado o prazo de admisión de novas matrículas, un listado coa relación de solicitudes entregadas dentro e fóra de prazo (se é o caso), indicando nome, DNI, data de rexistro, e a especialidade na que se matricula.

Normas xerais:

- O pagamento realizarase por meses anticipados dentro dos 8 primeiros días de cada mes. A falta de pagamento dunha mensualidade implicará a baixa automática na escola.
- No suposto de que con posterioridade á presentación da solicitude e antes do primeiro día de clase, o solicitante desistise por escrito do servizo solicitado, procederase á devolución de oficio do importe aboado.
- As solicitudes de baixa deberán ser presentadas sempre por escrito e antes do día 25 de cada mes na EMM. De non ser así cargarase o recibo correspondente ao mes seguinte.
- Ás clases só poderán asistir aqueles/as alumnos /as matriculados/as na Escola, que teñan aboado os importes correspondentes ás taxas de matrícula e as mensualidades nos prazos establecidos. Os usuarios que non teñan pagado as cotas correspondentes serán dados de baixa automaticamente.
- As clases impartiranse nas instalacións da Escola Municipal de Música de Santiago de Compostela (R/ Proxecto Vagalume, 2- CP: 15704, Santiago) durante o curso escolar, respectando os períodos vacacionais do calendario escolar establecidos pola Consellería de Educación da Xunta de Galicia no curso escolar.
- A asistencia ás clases debe ser regular. No caso de ausencias inxustificadas (como máximo 3 por trimestre/materia) ou incumprimento das normas que regula o Proxecto educativo do Centro, a Comisión de Coordinación Pedagóxica tomará as medidas oportunas, incluso a baixa no centro, logo da comunicación e de acordo co Departamento de Educación do Concello de Santiago.
- A Estrutura e o Plan de estudos pode facer necesaria a flexibilidade nos horarios (reestruturación de grupos, promoción dos niveis de ensino, audicións colectivas,...) polo que poderán ser modificados ao longo do curso.
- En calquera caso, a preferencia por un horario e/ou profesor/a non é un dereito.
- Só se poderá cambiar de especialidade instrumental por motivos xustificadas e previo pedimento razoado por escrito do interesado/a, acompañado do informe do profesor/a, e que deberá ser aprobado pola Comisión de Coordinación Pedagóxica do Centro.
- Cando un alumno/a non poida acudir a clase, prérgase sempre que sexa posible, que se realice a correspondente comunicación ao centro coa maior antelación posible.
- Para a comunicación co equipo directivo e o profesorado da EMM, deberán respectarse os horarios de atención ao público expostos no taboleiro de anuncios.
- A sinatura do impreso de matrícula conleva a aceptación das normas xerais da Escola Municipal de Música de Santiago de Compostela.



CONCELLO DE SANTIAGO

Departamento de
Educación e Cidadanía

Prezo público:

De acordo coa *Ordenanza 4.30. Prezo público pola prestación dos servizos da Escola Municipal de Música- Modificación aprobada por acordo do Pleno da Corporación o día 31 de outubro de 2012. Publicada no BOP da Coruña de 31 de decembro de 2012*

- **Matrícula:** 59,50 €
- **Cotas mensuais:**
 - Música e Movemento: 35,65 €
 - Especialidade instrumental (curso completo) PEX ou PEPA: 53,50 €
 - Práctica instrumental + actividades instrumentais de conxunto: 42,80 €
 - Formación musical complementaria a practica instrumental: 35,65 €

Horario de funcionamento de luns a venres:

De 11:00 h. a 14:00 horas

De 16:00 h. a 22:00 horas